

N bel pest per l “Calighé”

La joena Maria Lollo de la scola mesènes de Ciampedel se à vadagnà l recognosciment al concors endrezà vin Fodom

Scola 3 - Na bela sodesfazion per la Scola de Fascia é ruèda proprio chisc dis passé ence tel ciamp de la poeja ladina. Defat la joena Maria Lollo, de la clas 2^a E de la scola mesènes da Ciampedel, la se à vadagnà l secondo pest al concors “Mendranze n poeja” metù a jir vin Fodom. Chest an ai studenc ge era stat dat l met de tor pèrt, tant te la sezion poeja che te la sezion prosa, con scric sul tem “L lurier di giaves”. La scola mesènes de Ciampedel à tout pèrt ensema con la professora Irene Brunel, e



Maria Lollo, con l president de l'Istitut Ladin “Cesa de Jan” Luca Agostini, a la premiazion del concors de poeja a Rèba. (foto Lorenzo Soratrol)

Maria Lollo, descheche se pel veder ence su la pruma plates de chest numer de La Usc, la se à vadagnà apontin l secondo pest con na poeja dal titol “L calighé”, che publicon chiò sot ite. Complimenc Maria!

L calighé

Mie giaf fèsc doi mestieres,
e no i é per nia lijieres.
Un de chisc l'é l calighé
che l fèsc ciuzé averc o seré.

Tenaa, martel e subies,
èrc veies che l doura con averc i eies.
De èrc no bèsta, n doura amò n muie,
desche la pinza per fèr i bujes.

Dapò la broces e l cortel,
che no l'é chel che se doura per magnèr,
belapontin l'é guzà n muie ben,
per dut taèr.

Serf ence formes de legn,
per poder fèr n ciuzé per ogne sort de egn.
L'é bon de fèr n bel ciuzé da laor,
ence per n pe de numer maor.

Maria Lollo, IIE, Scola mesènes de Ciampedel